

UPUTSTVO ZA PACIJENTE

Prije upotrebe pažljivo pročitajte ovo uputstvo!

Uputstvo sačuvajte. Možda ćete željeti ponovo da ga pročitate.

Ako imate dodatnih pitanja, obratite se svom ljekaru ili farmaceutu.

Ovaj lijek je propisan lično Vama i ne smijete ga dati drugome.

Drugome ovaj lijek može da škodi, čak i ako ima znake bolesti slične Vašima.

Ako primjetite bilo koju nuspojavu, potrebno je obavijestiti ljekara ili farmaceuta.



TINAZOL® film tablet 500 mg tinidazol

Sadržaj uputstva:

1. Šta su TINAZOL film tablete i za šta se koriste?
2. Prije nego počnete uzimati TINAZOL film tablete
3. Kako uzimati TINAZOL film tablete?
4. Moguća neželjena djelovanja
5. Kako čuvati TINAZOL film tablete?
6. Dodatne informacije

1. Šta su TINAZOL film tablete i za šta se koriste?

TINAZOL film tablete sadrže aktivnu supstanцу tinidazol koja pripada grupi lijekova – antimikrobići, derivati imidazola.

Vaš ljekar Vam je propisao TINAZOL za liječenje:

- čira na želucu i dvaneštopalačnom crijevu izazvanog sa Helicobacter pylori, u kombinaciji sa drugim lijekovima,
- anaerobnih infekcija, kao što su upala trbušne maramice, ginekoloske infekcije, infekcije nakon operativnih zahvata, infekcije kože i mekih tkiva, sepsa,
- infekcija gornjeg i donjeg dijela disajnog trakta,
- nespecifičnog vaginitisa,
- ulceroznog gingivitisa (upala Zubnog mesa),
- upala urogenitalnog sistema izazvanog bakterijom Trichomonas vaginalis,
- Giardijaze (infekcija sluznice tankog crijeva Giardia lamblia-om, parazitskom protozoom),
- crijevne i jetrene amebijaze (bolest koju izaziva parazit Entamoeba histolytica).

TINAZOL se koristi i u prevenciji infekcija nakon operativnih zahvata.

2. Prije nego počnete uzimati TINAZOL film tablete

Nemojte uzimati TINAZOL film tablete

- ako ste alergični na bilo koji od njegovih sastojaka ili druge imidazolske preparate (vidi dio Dodatne informacije);
- ako imate poremećaj u sastavu krvi (snižen broj crvenih i bijelih krvnih zrnaca i krvnih plićica) ili ste imali nekad ranije;
- ako imate organska oboljenja centralnog nervnog sistema, uključujući epilepsijsku;
- ako imate teška oštećenja jetre
- ako ste trudni ili dojite.

Budite oprezni sa TINAZOL film tabletama

Obavijestite Vašeg ljekara o svim zdravstvenim problemima koje imate ili ste imali, kao i o svim alergijama.

Obavijestite Vašeg ljekara ako

- osjetite vrtoglavicu, smetnje u koordinaciji pokreta,
- nemogućnost održavanja ravnoteže i/ili trnjenje udova, jer će Vam ljekar u tom slučaju prekinuti terapiju tinidazolom;
- Ako koristite ovaj lijek za liječenje trihomonijaze (polno prenosivo bolesti), trebalo bi liječenju istovremeno podvrgnuti i partnera.

Uzimanje drugih lijekova sa TINAZOL film tabletama

Uglavnom, TINAZOL se može kombinovati s drugim lijekovima. Međutim, važno je da obavijestite Vašeg ljekara o drugim lijekovima koje uzimate, uključujući i one koji se izdaju bez ljekarskog recepta, jer neki lijekovi mogu uticati na djelovanje drugih.

Za propisivanje ispravne doze TINAZOL-a, posebno je važno da Vaš ljekar zna da li uzimate lijekove za sprečavanje zgrušavanja krvi (heparin, varfarin).

Uzimanje hrane i pića sa TINAZOL film tabletama

Alkoholna pića treba izbjegavati tokom korištenja tinidazola zbog mogućnosti javljanja pojave slične disulfiramskoj reakciji (crvenilo, grčevi u trbušu, povraćanje, ubrzani rad srca). Upotrebu alkohola treba izbjegavati sve do 72 sata nakon prestanka korištenja tinidazola.

Djeca i adolescenti

Tinidazol se ne upotrebljava u liječenju djece ispod 12 godina zbog nedostatka dokaza o sigurnosti i efikasnosti primjene.

Trudnoća i dojenje

TINAZOL se ne smije primjenjivati u trudnoći. Uvijek se obratite svom ljekaru ili farmaceutu za savjet prije uzimanja TINAZOLA ili bilo kojeg drugog lijeka.

Nemojte uzimati ovaj lijek ako dojite jer male količine lijeka mogu preći u majčino mlijeko. Ako prestanete da dojite tokom korištenja TINAZOL-a, ne bi trebalo da ponovo počnete s dojenjem najmanje 3 dana nakon prestanka korištenja TINAZOL-a.

Uticaj na upravljanje vozilima i rukovanje mašinama

Nemojte upravljati motornim vozilima i/ili mašinama ako ovaj lijek čini da se osjećate pospano ili vam daje probleme sa koordinacijom ili čulom osjeta (npr. utrnljost ili slabost).

Ostala upozorenja

Ako Vam je ljekar rekao da imate bolest nepodnošenja nekih šećera, prije nego što počnete uzimati TINAZOL posavjetujte se sa svojim ljekarcem. Ovaj lijek sadrži laktuzu, te o tome treba voditi računa ako imate šećernu bolest.

3. Kako uzimati TINAZOL film tablete?

Vaš ljekar će odlučiti o odgovarajućoj dozi TINAZOL-a, ovisno o Vašem stanju i o tome da li uzimate druge lijekove. Uzimajte TINAZOL-a onoliko dugo i na način koji Vam je ljekar propisao. Ne uzimajte više tableta od propisane doze.

Čir na želucu ili dvanaestopalačnom crijevu

Uobičajena doza tinidazola je 500mg/2 puta na dan u kombinaciji sa dva dodatna lijeka koja Vam preporuči Vaš ljekar, u sklopu trojne terapije.

Anaerobne infekcije

Liječenje započinje tako što se prvo dana primjeni doza od 2 g. Liječenje se dalje nastavlja dozom od 1 g jednokratno ili podijeljeno u dvije pojedinačne doze od 500 mg.

Liječenje obično traje 5-6 dana, ali zavisno od kliničke procjene može se produžiti na više od sedam dana.

Nespecifični vaginitis

Nespecifični vaginitis se uspješno liječi s jednokratnom oralnom dozom od 2 g. Najbolji stepen izlječenja postiže se sa 2 g pojedinačne doze/dva uzastopna dana (ukupna doza 4g).

Akutni ulcerozni gingivitis

Liječenje se provodi primjenom jednokratne doze od 2 g.

Upala urogenitalnog sistema izazvanog bakterijom

Trichomonas vaginalis

Liječenje se provodi primjenom jednokratne doze od 2 g. Preporučuje se istovremeno liječenje oba partnera.

Djeca

Liječenje se sprovodi sa jednokratnom dozom od 50 do 75mg/kg tjelesne mase.

Giardijaza

Liječenje se provodi primjenom jednokratne doze od 2 g.
Djeca

Doza za djecu iznosi 50 do 75mg/kg tjelesne mase, jednokratno.

Crijevna i jetrena amebijaza

Jednodnevna doza iznosi 1,5 do 2 grama u periodu od 2 do 3 dana. U slučaju nepotpunog izlječenja terapija se može produžiti do 6 dana.

Djeca

Liječenje se sprovodi sa jednokratnom dozom od 50 do 60 mg/kg tjelesne mase na dan. Liječenje traje 3-5 dana.

Starje osobe/pacijenti sa oštećenom funkcijom bubrega

Nije potrebno prilagođavanje doze.

Pacijenti sa teškim oštećenjem jetre

Ako imate teško oštećenje jetrene funkcije, ne smijete uzimati tinidazol.

Djeca <12 godina

Za liječenje ove dobne skupine ne postoje dostupni podaci o sigurnosti i efikasnosti djelovanja tinidazola, te se lijek kod djece ispod 12 godina ne upotrebljava.

Ako mislite da TINAZOL film tablete suviše slabo ili suviše jako djeluju na Vaš organizam, treba da se obratite Vašem ljekaru.

Ako uzmete više TINAZOL film tableta nego što biste trebali:

U slučaju predoziranja odmah kontaktirajte Vašeg ljekara tako da Vam se može smjesti pružiti medicinska pomoć. Do sad nisu zabilježeni slučajevi predoziranja.

Ako ste zaboravili uzeti dozu TINAZOL film tableta:

Trebate uzimati TINAZOL film tablete kako Vam je propisano. Međutim, ako zaboravite uzeti jednu dozu, uzmete sljedeće što prije, te nastavite sa terapijom kako Vam je propisano. Ako je vreme za uzimanje sljedeće doze blizu, pričekajte i tada uzmete lijek. Nikada ne uzimajte duplu dozu da biste nadoknadili propuštenu.

Ako prestanete uzimati TINAZOL film tablete:

Ne smijete prestati sa upotrebom ovog lijeka bez savjeta ljekara, jer to može dovesti do Vašeg nepotpunog izlječenja.

4. Moguća neželjena djelovanja

Kao i svi lijekovi, ovaj lijek može izazvati neželjene efekte, iako se oni ne moraju ispoljiti. Obavijestite svog ljekara odmah ako imate bilo koji od sljedećih simptoma nakon uzimanja ovog lijeka. Iako su vrlo rijetki, ovi simptomi mogu biti ozbiljni:

- iznenadno teško ili otežano disanje, oticanje očnih kapaka, lica ili usana ili jezika
- iznenadni nekontrolisani izljev intenzivnih emocija, smijeh, kašalj, ili druge radnje ili aktivnosti ili napadi.

Neželjeni efekti „koji se javljaju u učestalosti do 1 u 10 ljudi su navedeni u nastavku. Oni mogu nestati u toku tretmana kako se tijelo prilagodava na lijek. Recite svom doktoru, ako bilo koji od ovih neželjenih efekata nastavi da se javlja:

- mučnina (osjećaj bolesti) ili povraćanje, gubitak apetita, proljev, bol u stomaku ili grčevi
- glavobolja
- vertigo
- osip na koži ili svrbež (posebno ako zahvati cijelo tijelo).

Učestalost sljedećih neželjenih efekata nije poznata (ne može se procijeniti iz dostupnih podataka). Trebalо bi da se obratite svom lekaru ako primijetite bilo koji od sljedećih:

- utrnulost, peckanje, bol ili slabost u rukama ili nogama
- nespretnost ili nestabilnost
- groznica ili drhtavica i bolne ulceracije u ustima
- bol ili otečena usta/jezik
- crvenilo lica ili vrata
- vrtoglavica
- umor
- taman urin
- jezik: promjena boje ili neprijatan metalni okus.

TINAZOL film tablete ponekad mogu uzrokovati privremeno smanjenje bijelih krvnih zrnaca što vam obično neće izazvati bilo kakve simptome.

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. Kako čuvati TINAZOL film tablete?

Čuvati TINAZOL film tablete na temperaturi do 25°C, u originalnom pakovanju.

Sve lijekove držati na sigurnom mjestu, van dohvata djece!

Rok trajanja

2 godine. Rok trajanja lijeka je naznačen na pakovanju. Istek roka upotrebe odnosi se na zadnji dan navedenog mjeseca.

TINAZOL film tablete ne smijete primijeniti nakon isteka roka trajanja!

6. Dodatne informacije

Sastav

TINAZOL 500 mg

Svaka film tableta sadrži 500 mg tinidazola kao aktivnu supstancu.

Pomoćne supstance: laktosa monohidrat, preželatinizirani škrob, povidon, natrijum škrobni glikolat, magnezijum stearat. Film: Opadry II white, purificirana voda.

Sadržaj pakovanja i farmakoterapeutska grupa

Kutija sa 4 film tablete od 500 mg tinidazola u blister pakovanju, u kutiji.

Kutija sa 14 film tableta od 500 mg tinidazola u blister pakovanju, u kutiji.

Anatomsko-terapeutsko-hemijska klasifikacija (ATC):

P01AB02

Režim izdavanja

Lijek se izdaje na ljekarski recept u apoteci.

PROIZVODAČ/PROIZVODAČ GOTOVOG LIJEKA/NOSILAC DOZVOLE ZA STAVLJANJE LIJEKA U PROMET

ZADA Pharmaceuticals d.o.o.

Donji Bistarac bb

75300 Lukavac, Bosna i Hercegovina.

Broj i datum dozvole za stavljanje lijeka u promet:

TINAZOL, film tableta, 4 x 500 mg: 04-07.3-2-6614/16 od 21.12.2016.

TINAZOL, film tableta, 14 x 500 mg: 04-07.3-2-6615/16 od 21.12.2016.

Datum revizije uputstva:

Decembar, 2016.

SPUP00425 V2